

Scientia Sanctorum

Collecta Ex Meditationibus Ludovici De Ponte, Joannis Busaei, Joan.
Suffren, Juliani Hayneufve, Et Antonii Gaudier, &c. E Societate Jesu, In
Dominicas, Festa & ferias totius Anni digesta. Cum Indicibus duobus. I. In
singulos dies. II. Ad Exercitia Spiritualia

Puente, Luis de la
Dilingæ, 1685

35. De flagellatione.

[urn:nbn:de:hbz:466:1-60588](#)

terrogat ipsos; sed debuit pro officio Christum innocentem absolvere, quod non est ausus homo pusillanimis : Quid autem Judæi respondent ? dicunt omnes : crucifige, crucifige. Rabie aeti ingeminant, & poscunt mortis genus
Peccata crudelissimum. Peccata idem clamant, ipsa te
clamant crucifigunt: sed bene est, quod ipsamet crucifi-
crucifige gantur tecum, sicut dicit Apostolus tuus, quia
Rcm. 6. *vetus homo noster simul crucifixus est, ut destrua-*
6. *Heb. 6. 6. tur corpus peccati.* O destruatur in me, ne ultra
serviam peccato, rursum crucifigeris mihi met ipsi
Filium Dei !

MEDITATIO XXXV.*Christus flagellatur.*

PUNCTUM PRIMUM.

**Flagel-
latio
Christi.** **P**ilatus addixit Christum flagellationi, quam-
**Luc. 3.
16. 22.** vis innocentem agnosceret: ut sic satisface-
ret furori Judæorum, eumque à morte libera-
ret: nam ait: *Nullam causam mortis invenio in*
*eo: corripiam ergo illum, & emendatum dimit-
tam.* Quod si id non succederet, flagellatio illa
esset pro ea, quæ ex more Romanorum inflige-
batur crucifigendis: quamvis sunt, qui colli-
gant, secundò fuisse flagellatum, cùm damna-
tus jam esse mortis.

Iniqua hæc fuit sententia, cùm sciret esse in-
nocentem; ignominiosa, quod supplicium ser-
vorum; crudelis, è magis, quod credibile est

Pila-

Pilatum jussisse ita Christum tractari, ut miseratione illius immania corda Judæorum flecterentur. Acceptavit Jesus patienter, nihil pro se allegans, aitque : *Ego autem in flagella paratus* *Ps. 27.*
sum; & qua non rapui, exsolvebam. *28.*
Ps. 68. 5.

PUNCTUM II.

Christus nudatur ad flagella, & ut aliqui vestibus putant, brachijs in altum porrectis, ligatur ad columnam : quanta illa confusio ! ut mihi stolam gloriæ promereatur, qua ipsa ego me sponte expoliavi sèpè, & quam abjeci, sine pudore.

PUNCTUM III.

Flagellatur crudeliter : id aestimandum. 1.
Fab instrumentis quæ feruntur fuisse triplicia, virgæ spinosæ, nervi durati, & catenæ ferreas. 2.
à complexione corporis delicata : & ex priori sudore sanguineo, totiusque noctis exagitatione, valde afflictis viribus. 3. ab immanitate tortorum, urgente etiam jussione præsidis, & diaboli suggestione, quo ad impatientiam induceretur, & succendentibus sibi percussoribus. 4.
à multitudine plagarum quæ fuerunt innumeræ haud servata lege Moysis, quæ infra draginta esse jubebat. *Deut. 25. 3.*

Itaque à planta pedis usque ad verticem non *Isa. 1. 6.*
erat in eo sanitas, non species, neque decor : vi. *Isa. 53.*
dimus eum, & non erat aspectus, & nos putabamus

mūs

o. 53. 2. *mus eum quasi leprosum & percussum à Deo, & humiliatum : excipiebat autem ictus summa patientia & absque ullo turbati animi signo , adeò ut quidam ethnicus scriptor de eo sic locutus fuerit ; ô virum infractum animo, qui nec*
1. Pet. 2. 23. *precem, nec lachrymam fudit ! & Sanctus Petrus qui cum pateretur, non comminabatur. Et ego corpori meo indulgebo ?*

MEDITATIO XXXVI.*Christus coronatur spinis.***PUNCTUM PRIMUM.****Coro-**
natio
Christi.

Quod milites novum excogitaverint inventum probrosè & crudeliter excruciani Christum. Non erat amori ejus satis communia pati : Sed studium quo mortales excogitant semper alios modos indulgendi cupiditatibus suis, debuit extraordinarijs Christi supplicijs coargui, & reprimi. Ad hæc milites illi, qui Christum flagellarant, ad spectaculum convocant reliquam cohortem, ut ludibrium fiat insignius.

PUNCTUM II.**Nudatus**
denuo.

Exunt proprijs vestibus, & induunt clamydem coccineam. Iterum igitur nudatus exhibetur in tanta militum corona, & quia plagis adhæserat tunica interior, revulsa est cum ingenti dolore , præsertim cum violentè detrahente-